

Tabell D-k

Distriktstilskot Sør-Noreg, distriktstilskot Nord-Noreg og veksttilskot

Tabellen viser bakgrunnstala for utrekning av distriktstilskot Sør-Noreg, distriktstilskot Nord-Noreg og veksttilskotet i 2017.

Kolonne 1 – Innbyggjarar per 1.1. 2013

Kolonnen viser innbyggjartalet per 1. januar 2013.

Kolonne 2 – Innbyggjarar per 1.1. 2016

Kolonnen viser innbyggjartalet per 1. januar 2016.

Kolonne 3 – Gjennomsnittleg skatteprosent 2013–2015

Kolonne 3 viser gjennomsnittleg skatteprosent for åra 2013–2015, i prosent av landsgjennomsnittet.

Kolonne 4 – Distriktsindeks 2015

Kolonne 4 viser distriktsindeksen for 2015. Sjå Prop. 95 S (2013–2014) *Kommuneproposisjonen 2015* for nærmere omtale av indeksen.

Kolonne 5 – Distriktstilskot Sør-Noreg 2017

Kolonne 5 viser distriktstilskot Sør-Noreg i 2017. Tilskotet skal vareta kommunar i Sør-Noreg med ei svak samfunnsmessig utvikling. Tildeling av distriktstilskot Sør-Noreg tek utgangspunkt i distriktsindeksen, som er eit uttrykk for graden av distriktsutfordringar i ein kommune. Indeksen byggjer på indikatorar som sentralitet, reiseavstand, befolkningstettleik, befolningsstruktur og -utvikling, status for arbeidsmarknaden og inntektsnivå.

Som ein del av omlegginga av inntektssystemet frå 2017 er det foreslått at dei tidlegare tilskota distriktstilskot Sør-Noreg og småkommunetilskotet blir slått saman i distriktstilskot Sør-Noreg. Det tidlegare småkommunetilskotet blir vidareført som eit småkommunetillegg innanfor det nye distriktstilskot Sør-Noreg, og satsane for småkommunetillegget er differensiert etter kommunane sin verdi på distriktsindeksen.

Tilskotet blir tildelt kommunar i Sør-Noreg som:

- har under 3 200 innbyggjarar, eller ein distriktsindeks på 46 eller lågare
- har hatt ei gjennomsnittleg skatteinntekt dei siste tre åra som er lågare enn 120 pst. av landsgjennomsnittet (målt per innbyggjar), og
- ikkje får Distriktstilskot Nord-Noreg.

Kommunar med færre enn 3 200 innbyggjarar får eit tilskot per kommune. Satsane varierer etter verdien på distriktsindeksen. Kommunar med distriktsindeks på 35 eller lågare får tilskot etter høgaste sats. Kommunar med ein høgare verdi på distriktsindeksen får tilskot etter lågare sats, slik at kommunar med distriktsindeks over 46 får halvparten av den høgaste satsen.

For kommunar med 3 200 innbyggjarar eller meir blir tilskotet gjeve med ein sats per kommune og ein sats per innbyggjar. Kommunar med distriktsindeks på 35 eller lågare får tilskot per kommune og per innbyggjar med høgaste sats. Kommunar med høgare verdi på indeksen får tilskot med høvesvis 80, 60, 40 og 20 pst. av den høgaste satsen.

Tilskotet blir rekna ut frå talet på innbyggjarar per 1. januar 2016 og distriktsindeksen for 2015. Satsane for 2017 er prisjusterte med halvparten av anteke pris- og kostnadsvekst i kommunesektoren. Kolonne 6 viser småkommunetillegget til kommunar med under 3 200 innbyggjarar, og kolonne 7 tilskotet til kommunane med 3 200 innbyggjarar eller meir.

Satsar for distriktstilskot Sør-Noreg 2017:

Kommunar med 3 200 innbyggjarar eller meir		Kommunar med under 3 200 innbyggjarar
Distriktsindeks	Sats per kommune (1000 kr)	Sats per innbyggjar (kroner)
Indeks 0–35	1 201	1 087
Indeks 36–38	961	870
Indeks 39–41	721	652
Indeks 42–44	480	435
Indeks 45–46	240	218
Indeks over 46	0	0

Kolonne 6 – Distriktstilskot Sør-Noreg – småkommunetillegget

Kolonne 6 viser småkommunetillegget innanfor distriktstilskot Sør-Noreg i 2017. Tillegget er gjeve med ein sats per kommune, som vist i tabellen over. Satsane er differensierte etter kommunane sin verdi på distriktsindeksen, som vist i tabellen over.

Kolonne 7 – Distriktstilskot Sør-Noreg – øvrige kommunar

Kolonne 7 viser den delen av distriktstilskot Sør-Norge som går til kommunar med 3 200 innbyggjarar eller meir. Tilskotet er gjeve delvis med ein sats per kommune og delvis med ein sats per innbyggjar, som vist i tabellen over. Satsane er differensierte etter kommunane sin verdi på distriktsindeksen, som vist i tabellen over.

Kolonne 8 – Distriktstilskot Nord-Noreg 2017

Kolonne 8 viser distriktstilskot Nord-Noreg i 2017.

Som ein del av omlegginga av inntektssystemet frå 2017 er det foreslått at dei tidlegare tilskota Nord-Noreg- og Namdalstilskotet og småkommunetilskotet blir slått saman i eit nytt distriktstilskot Nord-Norge. Tilskotet fordelast til kommunar i dei tre nordlegaste fylka og i Namdalen. Det tidlegare småkommunetilskotet blir vidareført som eit eige småkommunetillegg innanfor det nye distriktstilskot Nord-Noreg, og satsane for småkommunetillegget er differensiert etter kommunane sin verdi på distriktsindeksen på same måte som i distriktstilskot Sør-Noreg.

Innafor det nye tilskotet blir dagens Nord-Noreg- og Namdalstilskot vidareført med eit kronebeløp per innbyggjar til alle kommunar i Nord-Noreg og Namdalen. Satsen er differensiert mellom fylka. Småkommunetillegget til kommunar med færre enn 3 200

innbyggjarar blir gitt etter dei same kriteria og satsar som distriktstilskot Sør-Noreg. Småkommunetillegget til kommunar i Finnmark og tiltakssonan i Nord-Troms får som i dag tilskot etter ein høgare sats.

Tilskotet blir rekna ut frå talet på innbyggjarar per 1. januar 2016 og distriktsindeksen for 2015. Satsane for 2017 er prisjusterte med halvparten av anteke pris- og kostnadsvekst i kommunesektoren. Kolonne 9 viser småkommunetillegget til kommunar med under 3 200 innbyggjarar, og kolonne 10 den delen av tilskotet som blir gitt med ein sats per innbyggjar.

Satsar for distriktstilskot Nord-Noreg 2017:

Til alle kommunar i Nord-Noreg og Namdalens, satsar per innbyggjar		
Kommunar i:	Sats per innbyggjar (kroner)	
Nordland og Namdalen	1 710	
Troms (utanfor tiltakssona)	3 279	
Tiltakssona i Troms	3 864	
Finnmark	8 008	
Småkommunetillegg til kommunar med under 3200 innbyggjarar		
Distriktsindeks	Småkommunetillegg per kommune, kommunar utanfor tiltakssona	Småkommunetillegg per kommune, kommunar i tiltakssona
Indeks 0–35	5 543	12 005
Indeks 36–38	4 990	10 804
Indeks 39–41	4 435	9 605
Indeks 42–44	3 881	8 404
Indeks 45–46	3 326	7 203
Indeks over 46	2 772	6 003

Kolonne 9 – Distriktstilskot Nord-Noreg – småkommunetillegget

Kolonne 9 viser småkommunetillegget innanfor distriktstilskot Nord-Noreg i 2017. Tillegget er gjeve med ein sats per kommune, som vist i tabellen over. Satsane er differensierte etter kommunane sin verdi på distriktsindeksen, som vist i tabellen over.

Kolonne 10 – Distriktstilskot Nord-Noreg – tilskot per innbyggjar

Kolonne 10 viser den delen av distriktstilskot Nord-Noreg som blir fordelt med ein sats per innbyggjar til alle kommunar i Nord-Noreg og Namdalens. Satsane er differensiert mellom dei ulike fylka, jf. tabellen over.

Kolonne 11 – Befolkningsendring 2013–2016

Kolonnen viser prosentvis gjennomsnittleg årleg endring i innbyggjartalet i perioden 2013 til 2016. I berekningane blir det nytta innbyggjartal frå 1. januar 2013 og 1. januar 2016.

Kolonne 12 – Vekstgrense veksttilskotet 2017

Veksttilskotet er eit tilskot til kommunar med særleg høg befolkningsvekst. Tilskotet er grunngjeve med at kommunar med høg folkevekst på kort og mellomlang sikt kan ha vanskar med å tilpasse tenestetilbodet til ei voksende befolkning. Det kan vere problematisk å finansiere dei nødvendige investeringane utan at det verkar inn på tenestetilbodet. Veksttilskotet blir gjeve til kommunar som har hatt ein gjennomsnittleg

årleg befolkningsvekst over vekstgrensa dei siste tre åra. Vekstgrensa for 2017 er 1,4 prosent.

Kolonne 13 – Innbyggjarar ut over vekstgrensa

Kolonne 13 viser talet på nye innbyggjarar ut over vekstgrensa på 1,4 prosent.

Kolonne 14 – Veksstilskot 2017

Kolonne 14 viser kva den einskilde kommune får i veksstilskot i 2017. Satsen per nye innbyggjar ut over vekstgrensa for 2017 er 57 191 kroner (satsen er delvis prisjustert). Veksstilskotet til kommunen i 2017 er lik talet på nye innbyggjarar utover vekstgrensa (kol. 13) multiplisert med 57 191 kroner.